


**Ni Presidente  
Dieter F. Uchtdorf**  
Maikadua a Mammagbaga  
iti Umuna a Panguluen



# Maysa a Naindaklan nga Aramid ti Dios

## **Abril 6, 1830**

Sangagasut ken walopulo a tawen ti napalabasen, da Joseph Smith, Oliver Cowdery, ken sumagmamano a dadduma pay ti naguummong a sangkamaysa tapno buklenda ti Ti Simbaan ni Jesucristo dagiti Santo iti Ud-udina nga Aldaw. Babaen ti amin a pakasaritaan maysa daytoy a simple ngem naespirituan a miting. Insurat ni Joseph a kalpasan ti sakramento, “ti Espiritu Santo ket naibukbok kadakami iti naindaklan unay a kasasaad—sumagmamano ti nagpropesia, bayat panagrukbabmi amin iti Apo, ket nagrag-okami unay.”<sup>1</sup>

Dagiti pasamak iti daytoy nga aldaw ket naglabas a di nadlaw ti lubong; saanda a nadangayan dagiti pagiwarnak wenno agipadpadamag. Nupay kasta, kasano man ti panagrag-o ken panangdayaw dagiti langit iti Dios—gapu iti dayta nga aldaw, naisubli ti Simbaan ni Jesucristo iti daga!

## **Solomon Chamberlain**

Manipud iti dayta nga aldaw agingga ita, minilmilion a napnuan iti pammati nga annak a lallaki ken babbai ti Nailangitan nga Ama ti nangsurot kadagiti pannignay ti Espiritu Santo ket simrekda kadagiti sagrado a dandanum ti panagbuniag. Maysa kadakuada ni Solomon Chamberlain.

Maysa a naespirituan a tao ni Solomon ken binubosna ti adu nga oras iti panagkararag, a nagkalikagum para iti pannakapakawan dagiti basolna ken nagpakaasi iti Nailangitan nga Ama nga iturongna isuna iti kinapudno. Maysa nga aldaw idi 1816, naikari ken ni Solomon iti maysa a parmata nga agbiag isuna tapno makitana ti aldaw a pannakaipasdek manen iti Simbaan ni Cristo iti daga kalpasan ti pannakabukel ti Sangapulo-ket-dua nga Apostol.

Kalpasan dagiti tawen agbambaniaga ni Solomon babaen ti bapor nga agturong iti Canada idi nagsardeng ti baporna iti bassit nga ili ti Palmyra, Nueva York. Sadiay nakarikna isuna iti mamilpilit a puersa a mangguyguyugoy kenkuana a dumsaag. Dina ammo no apay nga adda isuna sadiay, nangrugi ti pannakisaona kadagiti umili. Saan pay a nabayag idi mangngeganna ti saritaan maipapan idi “balitok a Biblia.” Kinunana a dagidiay dua a balikas ti nangyeg iti “bileg a kas koriente [nga] immagibas manipud iti tuktok ti ulok agingga iti murdong dagiti ramay dagiti sakak.”

Dagiti panagsalsaludsodna ti nangiturong kenkuana iti pagtaengan dagiti Smith, a nakisaritaanna kadagiti adda sadiay maipapan kadagiti nakakaskasdaaw a damag maipapan iti naisubli nga ebanghelio. Kalpasan ti panangbubosna iti dua nga aldaw sadiay

ken pannakaawatna iti pammaneknek iti kinapudno, nagpatuloy ni Solomon iti panagbaniagana a nagturong iti Canada, nga intugotna ti 64 a kaipprenta, di pay naakkuban a pinanid ti Libro ni Mormon. Tunggal lugar a napananna, insurona dagiti tao, “agpada a nangato ken nababa ti saadna iti kagimongan, nabaknang ken napanglaw, . . . nga agsagana para iti naindaklan nga aramid ti Dios nga ita ket dumanin dumteng.”<sup>2</sup>

### Maysa a Naindaklan nga Aramid ti Dios

Manipud iti dayta nga aldaw idi Abril 1830, milyon ti nakatakuat iti kinapudno ti naisubli nga ebanghelio ken simrek kadagiti dandanum ti panagbuniag. Paneknekak a daytoy “naindaklan nga aramid ti Dios” ket addan iti daga iti agdama. Paneknekak a ti Apo banbantayanna ti Simbaanna ken iturturongna daytoy babaen ti propetana, ni Presidente Thomas S. Monson. Saan a gagangay a bendision ti agbiag kadagitoy ud-udina nga aldaw. Dagitoy ket nagloriaan a panawen, a nakita iti masakbayan dagiti nagkauna a propeta ken dinar-ayan dagiti agbambantay a pangen ti anghel. Ti Apo ket Ammona ti Maipapan iti Simbaanna Ammona pay ti maipapan kadagiti tao, kas ken ni Solomon Chamberlain, a mangsursurot kadagiti pannignay ti Espiritu Santo ken kumadkadua kadagiti kakabsatda a lallaki ken babbai iti intero a lubong iti panagtitinnulong a mangisangbay iti daytoy naindaklan nga aramid ti Dios.

#### DAGITI NAGADAWAN

1. Joseph Smith, iti *History of the Church*, 1:78
2. “A Short Sketch of the Life of Solomon Chamberlain,” typescript, Church History Library [iti Internet iti [www.boap.org/LDS/Early-Saints/SChamberlain.html](http://www.boap.org/LDS/Early-Saints/SChamberlain.html)]; kitaen met iti William G. Hartley, “Every Member Was a Missionary,” *Ensign*, Sept. 1978, 23. Sumagmamano nga aldaw kalpasan ti pannakabukel ti Simbaan, ni Solomon Chamberlain ket binuniagan ni Joseph Smith iti dandanum ti Seneca Lake, Nueva York.

### PANANGISURO MANIPUD ITI DAYTOY A MENSAHE

**T**i bukod a pagwadan ti maysa kadagiti kabilegan a ramit ti panangisuro nga adda kadatayo” (*Teaching, No Greater Call* [1999], 18). Bayat ti panangisalay-sayyo iti estoria maipapan ken ni Solomon Chamberlain, awisenyo ti pamilia a lagipenda dagiti panawen idi sinurotna dagiti pannignay ti Espiritu. Ilawlawag no kasano a nakatulong kadagiti dadduma ti pagwadanna. Awisenyo dagiti miembro ti pamilia a mangisalaysayda

iti maysa a panawen idi nakatulong kadakuada ti nasayaat a pagwadan ti maysa a tao.

## AGTUTUBO

### Ti Eksperimentok iti Pammati

Ni Jason Young

*Idi 13 ti tawenko, rinugiak a binasa ti Libro ni Mormon iti inaldaw, ket nabendisionanak iti inaldaw manipud idi.*

**T**i klasemi nga agtawen iti 13 iti Sunday School ket saan unay nga am-ammo gapu iti kinamanageraemmi. Nupay kasta, naaddaankami iti nakasaysayaat a mannursuro a nangikarigatan iti amin a kabaellanna tapno maisurona ti tunggal adalen babaen ti Espiritu. Maysa nga adalen ket maipapan iti panagbasa kadagiti nasantuan a kasuratan.

Iti ungto ti adalen nangted kadakami iti pangkarit. Daytoy ket naisangrat kadakami amin, ngem gapu iti sumagmamano a rason pinnerrengnak bayat ti panagkunana, “Karitanka tapno agbasaka manipud iti Libro ni Mormon iti tunggal maysa nga aldaw!” Napanunotko iti bagik, “Ipakitakto kenka. Aramidekto dayta!”

Rinugiak ti umuna a kapitulo ti 1 Nephi iti dayta met la a rabii ket nagtultuloy ti panagbasak iti tunggal aldaw. Nalabit nga awananak iti umno a galad idi nangrugiak, ngem iti saan a nabayag nangrugi a kinaay-ayok ti wagas a panamagrikna kaniak ti panagbasa iti Libro ni Mormon. Ti panagbasak iti tunggal rabii ket nagbalin a makaay-ayo nga ugali.

Kalpasan dagiti sumagmamano a bulan nadanonko ti Alma 32 ket naawis ti imatangko iti kapanunotan maipapan iti pannakapadas wenno pannakaeksperimento ti pammati. Iti eskuela kaad-adalmi ti maipapan iti panangimaton kadagiti eksperimento a mainaig iti siensia, isu a nagparintumengak ket imbagak iti Nailangitan nga Ama a rinugiakon ti eksperimento. Kiniddawko a maammuakto no pudno met laeng ti Libro ni Mormon.

Iti panagkunak, ammok a sinungbatan ti Nailangitan nga Ama dagiti kararagko iti namin-adun a gundaway. Ti panagbasak iti inaldaw manipud iti Libro ni Mormon ket nangted kaniak iti dakdakkal a kabaellan a mangrimbaw iti dakes. Nariknak nga as-asidegak iti Amak iti Langit.

Nariknak a pinapigsanak ti bileg ti Espiritu Santo tapno marimbawak dagiti tubeng. Ti kinuna ni Alma maipapan iti panangeksperimentona iti balikas ti Dios ket pudno: “Rugiannan ti mangpadakkel iti kararuak; wen, rugiannan ti mangsilaw iti panunotko, wen, mangrugin a nananam kaniak” Alma 32:28

## ANNAK

### Saan a Gagangay a Bendision

**N**abuangay ti Simbaan 180 a tawen ti napalabasen iti daytoy a bulan. Kinuna ni Presidente Dieter F. Uchtdorf a “saan a gagangay a bendision” ti agbiag iti

agdama, no ti Simbaan ket naisublin. Tapno masarakan ti sumagmamano kadagiti naindaklan a bendision nga ited ti Nailangitan nga Ama kadagiti tao babaen ti Simbaan, kitaen dagiti nasantuan a kasuratan iti baba.

Dagiti Aramid 22:16

2 Nephi 32:5

Santiago 5:14–15

DkK 20:8–11

Amos 3:7

DkK 110:7–10

© 2009 by Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 6/09. Pannakaanamongna a maipatarus: 6/09. Pannakaipatarus ti *First Presidency Message, April 2010*. Ilokano. 09364 864

# Panagkalikagum a Manggun-od ken Panangawat iti Bukod a Paltiing



*Isuroyo dagitoy a nasantuan a kasuratan ken adaw a sao wenno, no kasapulan, ti sabali pay a pagbatayan a mangbendisionto kadagiti kabsat a babbai a sarungkaranyo. Iburayyo ti pammaneknek maipapan iti doktrina. Awisenyo dagiti sarungkaranyo nga iburayda no ania ti narikna ken nasursuroda.*

## **Kasano a Makagun-odak iti Bukod a Paltiing?**

“Agsaganatayo nga umawat iti bukod a paltiing a kas iti ar-aramiden dagiti propeta, babaen ti panangadal kadagiti nasantuan a kasuratan, panagayuno, panagkararag, ken panangpatibker iti pammati. Ti pammati ket isu ti tulbek. Laglagipen ti panagsagana ni Joseph para iti Umuna a Parmata.

“No siasino man kadakayo ti agkurang iti kinasirib, agdawat koma iti Dios. . . .

“Ngem agdawat koma a babaen ti pammati nga awan ket ti panagduadua.”<sup>1</sup>

*Elder Robert D. Hales ti Korum dagiti Sangapulo-ket-dua nga Apostol.*

“Ti kararag ti *bukodmo* a tulbek iti langit. Ti kandaduan ket adda iti sikigam iti belo.

“Ngem saan a dayta ti amin. Iti tao a mangipagarup nga umay ti paltiing nga awan ti panagkagumaan, kinuna ti Apo:

“Dimo naawatan; impapanmo nga intedko kenka, idi dimo pinanunot malaksid ti agsaludsod kaniak.

“Ngem, adtoy, kunak kenka, a nasken nga adalem iti *panunotmo*; kalpasanna damagem kaniak no pudno, ket no pudno iparikhakto ti ibabara ti barukongmo; ngarudmariknam a pudno.”<sup>2</sup>

*Presidente Boyd K. Packer, Presidente ti Korum dagiti Sangapulo-ket-dua nga Apostol.*

## **Kasano a Makaawatak iti Bukod a Paltiing?**

“Kadagiti ad-adda a familiar a pormana, dumteng ti paltiing wenno pammaregta babaen kadagiti balikas wenno kapanunotan a maipakaammo iti panunot (kitaen iti Enos 1:10; DkK 8:2, babaen iti kellaat a pannakalawlawag [kitaen iti DkK 6:14–15, babaen kadagiti positibo wenno negatibo a rikna maipapan kadagiti naisingasing a turongen ti tignay, wenno uray pay babaen kadagiti makaparegta nga aramiden, a kas kadagiti aramid iti arte. Kas iti dinakamat ni Presidente Boyd K. Packer, . . . Presidente ti Korum dagiti Sangapulo-ket-dua nga

## **DAGITI TULONG PARA ITI VISITING TEACHING**

Kas maysa a visiting teacher, makaawatka kadagiti impresion ti Espiritu maipapan kadagiti kasapulan dagiti kakabsatmo a babbai ken no kasano a maited dagidiay a kasapulan. Bayat ti panangisuroyo iti daytoy a mensahe, mangiburay, kas maitutop, iti ania man a pammaregta wenno tulong a naawatyo maipapan iti visiting teaching.

## **BUKOD A PANAGSAGANA**

1 Samuel 3:10  
1 Ar-ari 19:11–12  
Alma 5:46; 26:22  
3 Nephi 19:19–23  
DkK 8:2–3; 9:8–9; 88:63–64

Apostol, “Ad-adda nga umay ti pammaregta a kas rikna ngem kas iti uni.”<sup>3</sup>

*Elder Dallin H. Oaks ti Korum dagiti Sangapulo-ket-dua nga Apostol.*

“Ti templo ket maysa a balay a pagsursuruan. Kaaduan a pangiturong a maited iti templo ket adda isimbolona ken masursuro daytoy babaen ti Espiritu. Kaipapanan daytoy a maisurotayo manipud iti ngato. . . .

Dumakkelto ti pannakaawattayo iti kaipapanan dagiti ordinansa ken katulagan bayat ti panagsublitayo a masansan iti templo nga addaan iti panggep nga agsursuro ken mangutob kadagiti agnanayon a kinapudno a maisursuro. . . . Agrag-otayo iti naespirituan a

pigsa ken iti paltiing nga awa- tentayo bayat ti idadar-aytayo a kanayon iti templo.”<sup>4</sup>

*Silvia H. Alldred, umuna a mammagbaga iti sapasap a panguluen ti Relief Society.*

**DAGITI NAGADAWAN**

1. “Personal Revelation: The Teachings and Examples of the Prophets,” *Liahona*, Nob. 2007, 88.

2. “Personal Revelation: The Gift, the Test, and the Promise,” *Ensign*, Nob. 1994, 59 –60.
3. “Eight Reasons for Revelation,” *Liahona* Sept. 2004, 8.
4. “Holy Temples, Sacred Covenants,” *Liahona*, Nob. 2008, 113, 114.

© 2009 ti Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 6/09. Pannakaanamongna a maipatarus: 6/09. Pannakaipatarus ti *Visiting Teaching Message*, April 2010. Ilokano. 09364 864